

Provsteqarfinni ataatsimiititaliani ilagiillu sinniisaanni ilaasortanut qinikkanut ullormusianik, angalanermi ineqarnermilu iluarsiiisutunik kiisalu sulinermit isertitassaraluanik annaasanut taartisiassanik tunniussisarneq pillugu Namminersornerullutik Oqartussat nalunaarutaat nr. 32, 17. december 1996-imeersoq

Ilagiit pillugit inatsisartut pequssutaanni nr. 15-imi, 28. oktober 1993-imeersumi § 35 naapertorlugu aalajangersarneqarput:

Kapitali 1

Nalunaarutip atuuffissaa

§ 1. Ilagiit ataatsimiinnerinut atatillugu provsteqarfinni ataatsimiititaliani ilagiillu sinniisaanni ilaasortanut qinikkanut ullormusianik, angalanermi ineqarnermilu iluarsiiisutunik kiisalu sulinermit isertitassaraluanik annaasanut taartisiassanik tunniussisarnerit nalunaarummi iluarsiivigineqarput.

Imm. 2. Nalunaarummi ilaatinneqanngillat ilagiinni atorfillit atorfillillu allat piffissaq tamakkerlugu atorfeqartinneqartut, suliaminnut atatillugu imm. 1-imi ataatsimiinnerni taaneqartuni peqataasartut.

Kapitali 2

Ataatsimiinnersiuñit

§ 2. Ilagiit sinniisaasa ataatsimiinnerini peqataanernut ataatsimiinnersiuteqartitsisoqartarpoq. Ataatsimiinernut akunnerit sisamat sinnerlugit sivilissusilinnut tunngaviusumik aningaasat 166,00 kr.-it tunniunneqartarput. Ataatsimiinnernut akunnerit sisamat ataallugit sivilissusilinnut ullormusiat ataatsimiinnersiutit affaat tunniunneqartarput. Qaammatisiutilli malillugit ukiut tamaasa ilagiit sinniisaanni tamani amerlanerpaamik ataatsimiinnernut marlunnut akunnerit sisamat qaangerlugit sivilissusilinnut ataatsimiinnernulluunniit sisamanut akunnerit sisamat ataallugit sivilissusilinnut ataatsimiinnersiuteqartitsisoqartarpoq.

Imm. 2. Provsteqarfinni ataatsimiititaliani ataatsimiinnerni peqataanermut ataatsimiinnerup sivilissusia apeqqutaatinnagu ataatsimiinnermut ataatsimut tunngaviusumik aningaasanik 332,00 kr.-inik ataatsimiinnersiaqartitsisoqassaaq.

Imm. 3. Imm. 1 aamma 2-mi taaneqartut saniatigut ilagiit ataatsimiinnerinut atatillugu Kultureqarnermut, Ilinniartitaanermut Ilageeqarnermullu Pisortaqarfimmit siumoortumik akuersissuteqarneratigut ataatsimiinnerit suussusii naapertorlugit ataatsimiinnersiaqartitsisoqassaaq.

Kapitali 3

Angalanermi ineqarnermilu iluarsiiisutit

§ 3. Ilagiit sinniisaasa ataatsimiinnerini peqataanermut atatillugu angalanerit nalaanni Kalaallit Nunaanni atorfilinnut malittarisassat sukkulluunniit atuuttut malillugit aningaasartuuteqarnerunermut iluarsiissutisiaoqartitsisoqassaaq (ullormusiat unnuinersiallu).

§ 4. Pisortat angallassissutaanni periarfissaq akikinnerpaaq atorlugu angalanernut akiliussisoqartarpoq. Pisortat angallassissutaat atorneqarsinnaangippat, angallassissulluunniit alla naleqquttoq atussallugu akikinneruppat, imm. 2-mit 6-imut aalajangersakkat malillugit angalanernut aningaasartuutitut akilerneqarsimasunut matussusiisoqassaaq.

Imm. 2. Qaannamik, qimussinik angallatinillu angalanennut atugassanik attartornerit pissapput Namminersornerullutik Oqartussat, KNAPK-p KANUKOKA-llu akornanni isumaqatigiissutit atuuttut malillugit.

Imm. 3. Aquuteqaralannik angallatinillu sukkasuulianik (imatut paasillugu 20 knob sinnerlugu sukkassusilinnik) attartornerit, angallatinik angalanernut atugassanik attartornermi akigitat pillugit Namminersornerullutik Oqartussat, KNAPK-p KANUKOKA-llu akornanni isumaqatigiissummi ilaatinneqanngitsut, piginnittup akikinnerpaamik isumaqatigiissuteqarfigineratigut pisinnaapput, angallat isumannaallisaanikkut annanniuteqarnikkullu atortoqarpat, piginnittorlu inuttut akornuseriataarsinnaanermut ajutooriataarsinnaanermullu sillimmaserneqarsimappat.

Imm. 4. Qajaq qimussilluunniit nammineq pigisat atoraanni, qaannaap qimussilluunniit atorlugit angalanernut akiliutit pillugit Namminersornerullutik Oqartussat, KNAPK-p KANUKOKA-llu akornanni isumaqatigiissut atuuttoq naapertorlugu akiliteqartoqassaaq, taamaattorli qajartortut qimussersullu eqqarsaatigalugit ullormusiat nal. akunnermusiallu pineqarsinnaanatik.

Imm. 5. Nammineq angallatigisaq imm. 3-mi isumaqatigiissummi taaneqartumi ilaasoq, atoraanni ingerlaarnerit kisimik akilerneqartassapput, taamaalluni isumaqatigiissummi piffissami utaqqiffimmi akissarsiassat, sivikinnerpaamik nal. akunnerini arfinilinni attartorsinnaaneq, attartornermilu nalunaaquttat akunneri siulliit arfmeq-pingasut 50%-imik tapeqartitaasarnerat pillugit malittarisassat atorneqarnatik. Nammineq aquuterlak angallalluunniit sukkasuuliaq, imm. 3-mi isumaqatigiissummi ilaatinneqanngitsut, atoraanni ingerlatissaq atugaq 50 %-imik ilallugu, motoorip sakkortussusianut, qanoq siviutigisumik ingerlasimanermut ornitalluunniit ungasissusianut paasissutissat uppersaatitallit tunngavigalugit nalunaarsukkanut aningaasartuutitut akiliut aalajangersarneqassaaq.

Imm. 6. Snescooteri namminerisaq atoraanni ikummatissamut atukkamut paasissutissat uppersaatitallit tunngavigalugit nalunaarsukkamut aningaasartuutitut 50%-imik ilasamut akiliutissaq aalajangersarneqassaaq.

Kapitali 4

Sulinermit isertitassaraluanut annaasanut taartisiassat

§ 5. Ataatsimiinnerni § 2 naapertorlugu ullormusiaqaataasussani peqataanermut, kiisalu ataatsimiinnernut taakkununga atatillugu angalanernut imm. 2 - 5-imi aalajangersakkat malillugit sulinermit isertitassaraluanut annaasanut taartisiaqartitsisoqassaaq.

Imm. 2. Sulisartunut taartisiassat peqannginnermi sulinermit isertitassaraluit annaasat feriepengit ilanngullugit sulisitsisumit nalunaarsukkat tunngavigalugit naatsorsorneqassapput.

Imm. 3. Namminersorlutik inuussutissarsiutilinnut allanullu namminersortumik

inuussutissarsiornermik ingerlataqartunut ilagiit sinniisaanni ataatsimiinnerni peqataasunut ataatsimiinnermut ataatsimut pineqartup piffissap suliffiata nalinginnaasup iluani nal. akunneri sisamat ataallugit sivisussuseqartunut tunngaviusumik aningaasanik 190,00 kr.-inik akissarsiaqartitsisoqassaaq. Pisuni allani, tassunga ilanngullugu provsteqarfinni ataatsimiitaliani ataatsimiinnerni peqataanerni, ataatsimiinnermut ataatsimut ullormullu angalaffiusumut ataatsimut tunngaviusumik aningaasanik 380,00 kr.-inik akissarsiaqartitsisoqarsinnaavoq.

Imm. 4. Aapparit inooqatigiilluunniit, namminersorlutik inuussutissarsiutilinni allaniluunniit namminersortumik inuussutissarsiornermik ingerlataqartuni ikiortaasut imm. 3-mi taaneqartut akissarsiaqartinneqarsinnaapput.

Imm. 5. Ilaasortanut imm. 2-4 malillugit akissarsiaqartinneqarsinnaanngitsunut, ataatsimiinnerni peqataanernut atatillugu meeqqat paarineqarnerannut aningaasartuutaanerusunut uppersaatitalinnut matussusiiffiqeqarsinnaapput.

Kapitali 5

Ingerlatsineq akillu nikerarnerannut iluarsissutit

§ 6. Tunniuttakkanut siuliani taaneqartunut atatillugu allagartat ataatsimiinnermi siulersuisumit atsiorneqartassapput.

§ 7. §§2 aamma 5-imi tunngaviusumik aningaasat taaneqartut aprilip oktoberillu aallaqqaataanni iluarsivigineqartassapput Kalaallit Nunaannut kisitsit akinut iluarsissutaasartoq tamanut saqqummiunneqartoq kingulleq malillugu (januar 1984 = 100), tassannga nikingassummut qaninnerusumut naatsorsorlugit.

Kapitali 6

Atortuulersitsinerlut aalajangersakkat

§ 8. Nalunaarut 1. januar 1997-imi atuutilissaaq.

Imm. 2. Tamatumunnga peqatigitillugu Namminersorerullutik Oqartussat nalunaarutaat angalanermi ineqarnermilu, aningaasarsiaagaaluit annaasat taartisissutaasarnissaasa ataatsimiinnersiutillu ilageeqarnermi qinikkat ataatsimiissatillugit matussutissaqartinneqarnissaannut tunngasoq nr. 4, 20. februar 1991-imeersoq atorunnaarsinneqarpoq.

Namminersorerullutik Oqartussat, 17. december 1996.

/

Karl Kristian Olsen